

ხ ე ლ შ ე კ რ უ ლ ე ბ ა
სახელმწიფო შესყიდვის შესახებ N 204

ქ. ბათუმი

13 სექტემბერი, 2016 წელი

ერთის მხრივ „ბათუმის სახელმწიფო მუსიკალური ცენტრი“, (შემდგომში „შემსყიდველი“), წარმოდგენილი დირექტორის გიორგი მიქელაძის სახით და მეორეს მხრივ, ინდივიდუალური მეწარმე „ჯაბა მარგალიტაძე“ (შემდგომში „მიმწოდებელი“), წარმოდგენილი ჯაბა მარგალიტაძის სახით, „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ს“ ქვეპუნქტის საფუძველზე, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ – ორგანიზაცია, რომელიც ახორციელებს შესყიდვას;
- 1.4. „მიმწოდებელი“ – პირი, რომელიც ახორციელებს მომსახურების მიწოდებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ – კალენდარული დღე, კვირა, თვე;
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანია: სამშენებლო-სამონტაჟო სამუშაოების (CPV-45300000) და ელექტრო- და მექანიკური მოწყობილობების მონტაჟის (CPV-51100000) სახელმწიფო შესყიდვა.
- 2.2. წინამდებარე ხელშეკრულების შესაბამისად შემსრულებელი იღებს ვალდებულებას სსიპ ბათუმის სახელმწიფო მუსიკალური ცენტრის საკონცერტო დარბაზის სცენაზე შეასრულოს სასცენო მექანიზმების და საშტანგეტო სისტემების აღდგენითი სამონტაჟო სამუშაოები (საკუთარი მასალებით), წინამდებარე ხელშეკრულებაზე თანდართული ხარჯთაღრიცხვის შესაბამისად.
- 2.3. წინამდებარე ხელშეკრულებით მიმწოდებელი იღებს ვალდებულებას შემსყიდველს გაუწიოს მომსახურება ხელშეკრულებაზე თანდართული ფასების ცხრილის (ხარჯთაღრიცხვის) შესაბამისად, წინამდებარე ხელშეკრულებით გათვალისწინებული პირობებით.

3. ხელშეკრულების ღირებულება

- 3.1. მთლიანი სახელშეკრულებო ღირებულება შეადგენს 7 950,00 (შვიდიათასცხრას-ორმოცდაათი) ლარს, მათ შორის: (CPV-45300000) – 3024 ლარი, (CPV-51100000) 4926 ლარი.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების მიწოდებასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.
- 3.3. დაფინანსების წყაროა აჭარის ავტონომიური რესპუბლიკის რესპუბლიკური ბიუჯეტი.



4. მომსახურების მიწოდების ვადა და ადგილი

4.1. მომსახურების გაწევის ვადაა ხელშეკრულების გაფორმებიდან 2016 წლის 20 სექტემბრის ჩათვლით პერიოდი.

4.2. მომსახურების მიწოდების ადგილია ქალაქი ბათუმი, ოდისეი დიმიტრიადის ქუჩა №1.

5. მიღება-ჩაბარების წესი

5.1. მომსახურების მიღება-ჩაბარებას ახორციელებენ სათანადოდ უფლებამოსილი პირები.

5.2. შემსყიდველის მხრიდან მომსახურების მიღება-ჩაბარებაზე უფლებამოსილი პირია: მუსიკალური ცენტრის სადადგმო ნაწილის გამგე იური ხაბაზი.

5.3. მომსახურების ჩაითვლება მიღებულად მხოლოდ გაწეული მომსახურების დასახელების, რაოდენობის და ღირებულების მითითებით შედგენილი მიღება-ჩაბარების აქტის გაფორმების შემდეგ.

5.4. შემსყიდველმა უნდა შეამოწმოს გაწეული მომსახურება ხელშეკრულების პირობებთან მიმართებაში.

5.5. თუ გაწეული მომსახურება არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად.

5.6. შემსყიდველი ვალდებულია ოპერატიულად, წერილობითი სახით აცნობოს მიმწოდებელს გაწეული მომსახურების წუნის თაობაზე, წუნდების მიზეზის მითითებით.

6. ანგარიშსწორების ფორმა, წესი და ვადები

6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე ეროვნულ ვალუტაში.

6.2. შემსყიდველი ანგარიშსწორებას ახორციელებს მიმწოდებლის მიერ ფაქტიურად მიღებულ მომსახურებაზე ხელშეკრულების 5.3. მუხლით განსაზღვრული წესით შედგენილი მიღება-ჩაბარების აქტის წარმოდგენის ან/და საგადასახადო ანგარიშ-ფაქტურის წარმოდგენიდან 5 (ხუთი) სამუშაო დღის განმავლობაში.

6.3. მიმწოდებელი ვალდებულია წარმოდგენილ საგადასახადო ანგარიშ-ფაქტურაზე მიუთითოს ყველა საჭირო რეკვიზიტი, წინააღმდეგ შემთხვევაში, შემსყიდველს უფლება აქვს არ მიიღოს დოკუმენტი.

7. გარანტია

7.1. მიმწოდებელი იძლევა გარანტიას, რომ მიწოდებული მომსახურება შეესაბამება სტანდარტებს, სწორი ექსპლუატაციის დროს და ნორმების დაცვის შემთხვევაში არ გამოავლენს დეფექტებს.

7.2. მიმწოდებელი ვალდებულია 5.6. პუნქტით განსაზღვრული შეტყობინების მიღებისთანავე განახორციელოს წუნდებული მომსახურების გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

7.3. მიმწოდებლის მიერ 7.2. პუნქტით განსაზღვრული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები მიღებული მომსახურების ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს ხარჯების ანაზღაურება, ან ეს თანხა გამოქვითოს ხელშეკრულების მიხედვით მიმწოდებლისათვის გადასახდელი თანხიდან.

8. ხელშეკრულების შესრულების კონტროლი

8.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.

- 8.2. შემსყიდველის მხრიდან ხელშეკრულების შესრულების კონტროლს ახორციელებს მუსიკალური ცენტრის სახელმწიფო შესყიდვების სპეციალისტი ნანა დავითაძე.
- 8.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.
- 8.4. კონტროლი ხორციელდება როგორც შუალედური ფორმით – მომსახურების გაწევის პროცესში, ისე მისი დამთავრების შემდგომ, მიღება-ჩაბარებისას.
- 8.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

9. მხარეთა პასუხისმგებლობა ხელშეკრულების პირობების შეუსრულებლობისათვის

- 9.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.07 პროცენტის ოდენობით.
- 9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 9.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

10. დაუძლეველი ძალა

- 10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.
- 10.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.
- 10.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა, წერილობით უნდა აცნობოს მეორე მხარეს გარემოების დადგომის (დასრულების) შესახებ.
- 10.4. 10.3. მუხლით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.
- 10.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

11. ხელშეკრულებაში ცვლილებების შეტანა

- 11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 11.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების შეწყვეტა

12.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია გაუწიოს სრული მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3. ხელშეკრულების 12.1 მუხლში მითითებულ შემთხვევებში შემსყიდველი ვალდებულია მიმწოდებელს აუნაზღაუროს ფაქტიურად გაწეული მომსახურების ღირებულება.

12.4. შემსყიდველი ვალდებულია არანაკლებ 5 დღით ადრე წერილობით აცნობოს მიმწოდებელს 12.1. მუხლით გათვალისწინებული გადაწყვეტილების მიღების განზრახვის თაობაზე.

12.5. ხელშეკრულება ასევე შეიძლება შეწყდეს მხარეთა ინიციატივით, ურთიერთ შეთანხმების საფუძველზე.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

14. სხვა პირობები

14.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.2. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14.3. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

14.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებდა ქართულ ენაზე.

14.5. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან ერთი ეგზემპლარი ინახება შემსყიდველთან და ერთი ეგზემპლარი მიმწოდებელთან.

15. ხელშეკრულების მოქმედების ვადა

15.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 1 ნოემბრის ჩათვლით.

16. მხარეთა რეკვიზიტები

შემსყიდველი:

სსიპ- ბათუმის სახელმწიფო მუსიკალური ცენტრი
საიდენტიფიკაციო კოდი 245 584 274
მისამართი: ქ. ბათუმი, ახმეტელის ქუჩა №5,
ქ. ბათუმი, ოდისეი დიმიტრიადის ქუჩა №1,
მიმღების ბანკი: სახელმწიფო ხაზინა
მიმღების დასახელება: ხაზინის ერთიანი
ანგარიში
ბანკის კოდი: TRESGE22
ანგ. №: GE24 NB03 3010 0200 1650 22



გიორგი მიქელაძე

მიმწოდებელი:

ინდემწარმე ჯაბა მარგალიტაძე

საიდენტიფიკაციო კოდი: 61001054132
იურიდიული მისამართი: ბათუმი,
ვაჟა ფშაველას ქუჩა № 28, ბინა 10
ს.ს. „თიბისი ბანკი“
ბანკის კოდი TBCBGE22
ანგარიშის № GE72 TB79 3323 6010 1000 06
ტელ: 574 51 08 51

ჯაბა მარგალიტაძე

ინფორმაცია


ფასების ცხრილის და მიწოდების გრაფიკის შესახებ

სსიპ ბათუმის სახელმწიფო მუსიკალური ცენტრის საკონცერტო დარბაზის სასცენო მექანიზმების და საშტანგეტო სისტემების აღდგენითი სამონტაჟო სამუშაოების

ხ ა რ ჯ თ ა ლ რ ი ც ხ ვ ა

N	დასახელება	რაოდენობა	ერთ, ღირებ.	სულ ღირებულება
1	საშტანგეტო სისტემის რკინის ხარიხის სამაგრი ხამუთების დამზადება, დამჭიმ სახელურებზე მიმაგრება-მონტაჟი	24 ცალი	15,00	360,00
2	საშტანგეტო სისტემის დაზიანებული მეტალის ბაგირის შეცვლა ახლით და ბლოკგორგოლაჭებზე გადაწყობა-მონტაჟი	6 კომპლ.	55,00	330,00
3	საშტანგეტო სისტემის ამწე-ძრავებზე გადაწყობა, რკინის კონსტრუქციაზე მიმაგრება და გამწევ გორგოლაჭებზე აყვანა	6 კომპლ.	556,00	3 336,00
4	საშტანგეტო ამწე-ძრავების ელ. სისტემის სამუშაოების ჩატარება, ქსელში ჩართვა და სამართავი პულტუს გადაწყობა-მონტაჟი	6 ცალი	150,00	900,00
5	სცენის შუა გადამკეტი და გასახსნელ-დასახური ფარდის რკინის კონსტრუქციის დამზადება-მონტაჟი	1 კომპლ.	1 460,00	1 460,00
6	რკინის მცოცავი მილის ღეროების დამზადება და მეტალის მაგისტრალზე შეკიდება	30 ცალი	22,00	660,00
7	შუა-გადამკეტი ფარდის სამოძრაო ბლოკების დამზადება-მონტაჟი	1 კომპლ.	510,00	510,00
8	შუა-გადამკეტი ფარდის სამართავი მექანიკური სისტემის დამზადება-მონტაჟი	1 კომპლ.	250,00	250,00
9	ფარდის შესაკიდი დიუვერსების მიმაგრება და შესაკრავი თასების ჩაბმა	30 ცალი	0,48	144,00
სულ ჯამი				7 950,00

მიმწოდებლის დასახელება - ინდმეწარმე ჯაბა მარგალიტაძე

ხელმოწერა  ჯაბა მარგალიტაძე